

平樂府志卷三

輿地部 三

山川

賀 縣

瀑布巖縣西五里又梅花洞在縣西南

瑞雲山即甌山城西十里高千餘丈舊名幽山志舊

幽出一名丹甌山在縣西四十里南接蒼梧北通

道州山中有古度木實大如珠結成後數日化蟲

飛去寰宇記甌山在縣西五里唐李邵出守山有新

烟覆其上因名方輿勝覽丹甌山縣西十里高千餘丈

時有雲氣上浮泉流不竭注為池曰仙池志云山

平樂府志

卷三 山川

一

本名幽山唐李邵為守更曰丹甌宋守鄧璧又更

名瑞雲今亦曰甌山方輿勝覽唐刺史李邵來遊名瑞

雲宋守璧以此山多雲氣因改今名名勝志甌山即

幽之分麓一峯別出似甌山縣志幽山丹甌記在縣西

唐太和五年李邵撰志金

長林山在封陽縣東五里元和志在封陽廢縣東北

三十五里山高五百丈周廻七百里多橄欖樹似

訶黎勒食之甘脆寰宇記

程岡在桂嶺東南一百二十里又朝崗縣北四十

五里並有鐵卯自隋至唐采取元和志

早山在縣西南一統志在蕩山縣南四十里高一千

餘周圍三百餘里其山春前花卉競發朝陽早見
俗呼爲早山寰宇記

蕩山在蕩山縣西七里元和志隋改綏越縣爲蕩山

因縣內蕩山得名又有祥山二山孤峙寰宇記

大山臨賀北四十里山有東遊龍甲二冶百姓采

砂燒錫元和記

硯山在城東五里

紫石山在城南七十五里

祿山在城東十里一統志

玉泉山在城西北十里

棋盤山在城西二十里

平樂府志

卷三 山川

二

尖峯山在縣西南十五里峻峭孤拔挺出羣峯之

上一統志亦名文峯山舊省志

雲臺山縣南一百里半山有寺名雲南庵舊省志

大桂嶺縣西一百二十里與蒼梧接界下爲桂瀧

省志

幞頭山在城南六十里

稿山在城北二十里

玉印山縣東南十里兀然江中雖洪濤泛漲城市

滄沒而此山挺出俗呼爲浮田障一邑水口樹木

蒼翳上有陳侯祠迎碧亭

蕉木山離縣二百二十里東爲開建連山西爲賀

縣礦徒出沒之所其分界道鳳冲與蕉木山以水
分界東名道鳳冲廣東連山縣界西爲龍水中樓
賀縣界

賣嶺在賀名長冲南離蕉木山一里以水分界
東爲連山西爲龍水汛

界牌坳南離蕉木六里以水分界水東流爲連山
西爲龍水初崗舊志界牌坳縣南二百二十里省志

馬鞍坳東北離蕉木五里以坳中分界東卽山崗
西爲中樓

道冲尾與廣西水銀山接南離蕉木一里以水
分界水東名道鳳冲尾連山界西爲水銀山龍水

地

鷄罩山離蕉木山三十里以水分界東接連山西
爲中樓

坳北離蕉木一百二十里以適中爲界水東
山西爲嶺頭村

門嶺北離蕉木一百二十里以適中爲界水東
爲連山上台西爲桂嶺

下泉逕大歇嶺南離蕉木一百五十里以坳中爲
東爲連山西爲懷集縣界

上帥七里逕深冲尾分水凹頭南離蕉木一百
十里以水分界東爲連山界西爲懷集界

上帥逕南離蕉木一百二十里以逕□爲界□
連山西爲懷集界

馬□南離蕉木一百三十五里以石爲界南爲懷
集北爲龍水界

按蕉木山舊爲礦徒巢穴故仍前志詳□□
毗連界限但志中所稱汎地誠恐更換不定
安知今之似昔概從節刪前守胡君醇仁云
蕉木山以人形譬之中樓在北如右手乃礦
徒往來公秀巢之要路初崗在東如左手乃
礦徒往來連山路口二處礦徒巢穴路逕最
險龍水如前身由王公坪至彼巢穴如由足

平樂府志

卷三 山川

四

至頂崎嶇多均惟三江荔梅崗汎如後腦不
二里而至其巢穴乃礦徒退身之地今存之
以備覽

海螺山縣南十五里石子如螺故名有泉清澈四
時常滴一名滴水巖亦曰天堂嶺

橘山在縣北二十里舊志縣東北二十五里有七十
二峯攢奇競秀多橘方輿紀要唐時有銅冶今廢名勝志

舊產銀宋置銀場於此一統志

郎江山在城東十里一統志

五指石山縣南八十里在信都谷中有石佛一尊

舊志五峯並列如掌一統志

臨賀嶺在縣北六十里爲五嶺之一今謝嶺是也
縣東北二百里與湖南道州江華縣接界盤峙百
餘里其水皆南北分流曰萌渚嶠亦曰臨賀嶺白
芑嶺桂嶺方輿紀要第四嶺水經注萌渚嶠在馮乘縣北
一百三十里今縣與道州江華分界於此嶠之上
桂嶺在桂嶺縣東十五里元和志桂嶺山在桂嶺縣
東北一百五里高三千餘丈東接連州北接道州
山有桂竹桂木寰宇記桂嶺在桂嶺縣北十三里山
多桂竹東接連山北接道州方輿勝覽晉陶侃宋潘美
岳飛用兵俱由此名勝志

按謝嶺今爲至富川路不甚險峻不足當五

嶺之一省志

鳳凰山在縣西北八十里

馬蹄山在縣南五十里昔鄉主神至此山分界馬

蹄二跡印石上今現存

馬鞍石在縣東南一百二十里與懷集開建兩縣

接界

大峯均在縣東一百五十里與連山接

寡母坡在縣東北一百六十里與江華縣接

雙瓦山在縣南東一百六十里與開建連山接

茶峒山在縣東一百七十里接開建縣

關門嶺在縣東南二百里山東界連山上台西接

桂嶺汛

四松嶺在縣南二百里與蒼梧接界

開山在縣東南二百二十里接江華縣

鷄罩山在縣東南二百二十里山東接連山余高

西界縣中樓

三盆山在縣東南二百二十里與廣東連山縣接界

芙蓉尖山在縣東北二百三十里東接廣東連山北連湖南江華

白土坡土白膩可傅面李志白七坑嶺表錄異云白

土坑在富川城北隅其土白膩郡人收以爲貨終

平樂府志

卷三 山川

六

古不竭今五嶺婦女率皆用之又名鉛粉也寰宇記

齧鼠山多簾音滙竹箴音刺竹池澤中多鼠齧食之一

名竹鼠寰宇記錯簡

冬瓜嶺在城西八里

癩頭嶺亦礦徒聚集之所

觀音巖在縣北二十五里石山聳翠乳竇天成

磨刀石在城北二里澗中孟粵北征記云臨賀有

石方二丈上有磨刀斧迹袁景星云羣山層疊一

溪中流至磨刀石而幽奇特勝蓋造化巧成以俟

千百世之詩人遊客者水歸石槽曲折清澈近水

青石片片可坐可砥樵子恒於此礪刀斧因名磨

刀石兩岸平如鋪氈可坐千人設百席水邊洄漩曲折處游人坐而濯足石光如鏡曲水流觴遂此多矣

賀水出賀州東北界西流又注臨水元和志賀水出

興安縣賀案即今賀縣西北逕羅山東南流逕興安縣又

西南流至臨賀郡東右注臨水水經注源出富川縣

地名石龍亘郡城合桂嶺水至三江口謂之賀江

梧江封江也方輿勝覽宏治中建浮橋於上以權商旅

之稅宋初潘美破賀州聲言順流取廣州南漢使

其將潘崇徹屯賀江以備即此方輿紀要逕富川縣城

東南合西溝蘆溪將軍諸水又過峽頭鐘山逕賀

縣城東合臨水又東合橘江至縣東南八里有龍

溪水注之湍流奔激亦謂之龍門灘一統志江至賀

縣城北受平地村水又逕城東有臨水東自齊岳

合南北二溪來注又南折西南流受東來二水又

西南受東來一水逕幞頭山東又西南受東南一

水折而東南流逕圓珠山南麓又東逕清水山南

麓八廣東開建縣北境水道綱提

臨水出馮乘縣西謝沐縣東界牛屯山謂之臨水

東南流逕萌渚嶠西又東南左合嶠水又逕臨賀

縣東左會賀水又西南流至郡南又西南逕封陽

縣爲封溪水又西南流入廣信水經注出馮乘縣西

北靈山之下寰守記臨水南流左合賀水縣對二水之會故取名焉輿地廣記

按通志載一統志云臨水大於賀水其發源之馮乘縣與逕流之萌渚嶠並在今富川縣界而賀水別出興安在今賀縣東北界元和志寰宇記皆與水經注合自明一統志以出富川者爲賀江出桂嶺者爲臨水其名遂舛今土人言自富川縣由鐘山至賀縣東門浮橋者爲臨水其自桂嶺來者逕會寧司而下在賀縣南五里與臨水合者爲賀水臨水可通巨艦桂嶺江水淺灘高僅容小舳則臨水

平樂府志

卷三 山川

八

大於賀水之說益信顧方輿紀要以建浮橋之地爲賀水其源出桂嶺者屬之臨水今考浮橋實在臨水未合賀水之上流與水經注輿地廣記所云臨水逕賀縣東左合賀水亦合獨方輿勝覽又云臨水右合賀水豈右字乃左字之訛文耶古今水道固難臆斷或前人未至其地致有互舛姑並誌其說以待考

橘江出橘山合賀江方輿勝覽縣東二里源出橘山口

流入賀江一統志

桂水順流至州城東南合于賀江方輿勝覽

祥溪水出於祥山寰宇記

錫溪水在臨賀縣東北四十五里源山錫山其水
清冷人久飲則損腰脚今土人多患跛躄寰宇記

龍門灘縣東南八里賀江合羣流逕此湍流湧激

擬於河潭之龍門亦謂龍溪方輿紀要臨賀水逕龍門

灘水深百尋一名龍溪名勝志龍門百丈大魚自擲

登此門化爲龍不過者曝腮點額寰宇記

荔浦縣

獅子山在縣南二里山前古榕一株蒼翠繁茂盤
鬱如蓋覆蔭官道道傍有橋稱仙人橋橋中空石
板二枚象鎖形鎮壓獅子康熙二十八年平協鎮
文養謚添造按古碑其來已久今碑文爲苔蘚剝

平樂府志

卷三 山川

九

蝕不知造白何時舊志金省志有古石碑云

古架山在縣南二里山後有洞極寬大春夏皆水

山半有泉清冽異常秋冬不竭避亂者居此足供

百家山嵐青翠日照烟凝八景中曰古架浮晴

文峯山在縣南三里

小紗帽山古架之西形如紗帽故名上有洞

笏山在縣東南五里壁立如笏俗名飯匙山頂寬

百餘丈舊志相傳昔有蠻賊據爲巢穴兵圍之有怪

藤引水而上賊無饑渴後官兵偵知斷其藤而水

絕賊遂擒舊省志

聖山在城南五里胡志上有巖雲合則雨中有石乳

峙出

普陀山鎮鄒山之後雨上相合中有坪兩旁皆屬陽朔

茶溪山在縣北三十里壁立如畫

黑山在城東八里

天馬山在城東十里

飯匙在城東十里

銀瓶山在縣東十里其山若瓶故名

到鷄山在縣東十里兩山相對宛如鷄勢土人有雌雄之別

蒙山在縣南二里蒙水出其下舊志山下有蒙泉流

平樂府志

卷三 山川

十

爲蒙水寰宇記

都鳳山上蘇村南高萬丈昔年有賊爲巢其上

巖門山在縣東十里

貓兒山高數百丈寬一里當李定蹂躪修荔之時

爰止是山舊志

八仙山丹竹江口其山八座列官道旁

紅山在城西十五里

鳳山在城西十五里

中山在縣北二十里

三台山在城東南二十里

相思山在縣北二十里元宵之日獐女唱歌於此

賣買絲線煙榔等物勝如墟日今數年來無復有此風矣

青山縣南二十里林木葱翠隆冬不凋故名下有洞洞中有橋止尺許水深無底過此把火可通居民數百家皆五方雜處荔江繞其後可通舟楫八景曰青山晚照

筆山穿巖之左

北寨山鑊鄒山之後山下有洞可入

大杭山在城西南二十五里兩山夾峙中居數百家有二泉不竭可供居人飲下洞卽永安州界

北山綠水村後鑊鄒關西高千尋大不可度曲折

而上及頂有坪濶數百丈有二泉一名濟危冬夏不竭其味寒冽一名滌穢其質渾濁土人遇亂避兵於此

小青山穹窿百丈土民環遶而居山有五巖最高者曰高巖次連兩巖曰雙巖近地二巖曰牛巖高巖有順應王神像來祀者必緣梯登之其避兵禦寇則老稚咸赴雙巖蓋寬濶可容數百人不須欄柙納牛畜於中則名牛巖一山孔竅玲瓏可稱奇境

桂山在縣東三十里有洞曰天豪峭壁中腰緣雲
□三架以上洞門內多石笋如蓮花寶座如寶塔

馬鞍如□如鐘鼓又數層至天門過此有石橋二
上有真武殿兩傍石柱宛如龍盤殿外有石人若
俯伏狀案前有筆架一座遊人燃炬以行

延賓山在縣東三十里其下有土司城城後二里
許有三奇山在延賓山後三里許山明水秀茂林
修竹有三天門上至頂數泉極清冽每日三潮中
有坪可容萬人志一統

火焰山縣東四十五里一名華蓋山高數百丈週
二十里卽府城南面之向山山頂有塘寬數畝深
丈許內有魚鰲蝦蚌有石棋坪時有鼓樂之聲附
近居民閒有聞之者想山鬼木客爲之志舊火焰山

平樂府志

卷三 山川

十二

卽古方山方輿紀要

龍窩山相傳昔年有龍修煉於此後飛騰而去今
其窩在焉

姜女山白面山皆在邑內寰宇記

鑛鄒山縣北四十里險峻如刀昔人置關其上卽
漢地理志之荔平關也名勝志山後爲北寨山下有

洞可八又北山在鑛鄒西高千尋頂有坪濶數百
丈有二泉寒冽冬夏不涸志一統土名界牌峽名勝志

長生嶺縣東一里八景曰長生湧翠

貓兒嶺縣東北一里荔水由下經過八景中曰貓

嶺朝霞

望高嶺縣西一里 縣治來脉

北關嶺縣北一里

瞭望嶺縣北一里

高天嶺縣南二里

鳳凰嶺縣北二里

馬鬃嶺長可十里形如馬頸

鷄冠嶺舊名長鬃嶺縣東四十里山上石類鷄冠

故名 舊志 其相對者曰銅鼓嶺亦曰火焰山 方輿紀要

鶯翎巖縣南三里巖有二層高百丈第一層有石

狀若鶯首孔中滴水如乳每遇亢旱禱雨輒應有

石刻 舊志 縣東南五里巖堂相承虛明變勾下有巖

平樂府志

卷三 山川

十三

宋時改鶯英山 方輿紀要 或云娥英語音相近 名勝志 八

景曰鶯翎應禱 舊志

獨秀巖古架山之西大不過數十丈高止百尺巖

空有水傍有石樵夫恒納涼其內八景曰獨秀樵

歸

大虫巖縣南文峯山之左其形如虎 舊志 相傳有三

虎夜行一夕雷雨大作飛一石壓虎口厥後虎患

遂息 省志

古沉巖縣東五里石柱森森滿洞皆然有浮瓶高

丈許石神石案石荔枝俱稱奇絕口必把火

開口巖離縣五里今名佛口巖後口有石鐘石鼓

石涼傘石口數坵界堦劃然

藍村巖縣東八里

白山巖東十里上蘇坪之前盤旋口上高百仞巖下有洞遊必把火

大紗帽巖上蘇坪有洞可八舊志昔傳樵人於內攜

雙虎子而歸

省志

牛巖上蘇坪之左高亮寬廠有石獅守洞更名獅子巖倘有小巖更佳

下蘇巖多洞七通八竅極盡天工之巧但惜其低暗耳

天門巖縣東十里上洞舊名黃姜巖此巖與古沉

藍村相比巖右倘有小洞天如太極圖名曰太極巖初入巖有石團結獨垂左右環拱而向名曰拱辰巖稍入一洞廣濶平夷幾二百步石筍或上或下又大石十餘倒地如睡僧然宛若廣寒宮也名曰廣寒崑又石筍儼若神像前一石如香案名曰眞武登殿又路長幾十丈可客一人側身八名曰長門一洞四圍空平獨一門可入闐寂穆清儼如幽閨深院有石狀如老人四圍石類網形從上懸下曰漁翁撒網其他洞口之深邃雲霧之隱伏尙不知其幾但惜其地沉黑非列炬不能行耳

舊省志

天門巖一名大獨雲壑深邃

方輿紀要

麒麟巖縣東十里丹竹塘一里許兩山相峙狀言
麒麟山下一巖空洞深邃莫可窮究崑口澄潭漾
綠色猶螺黛有巨鯉如門扇唇翹若硃每出則鯉
之若大若小從者千計居民常見弗敢取水由丹
竹江出荔河

象巖青山之後莫王廟傍

穿巖在青山後山頂極寬居民曾避兵其上—在
縣北三十里內小河連貫三山最深傍有大石夏
可避暑冬可忘寒

舊省志

金鷄巖城西南二十五里雙平墟之北山半腰極
寬敞傍一小洞須把火入

朝天巖在綠水水潭壩之上山頂見天故名朝天
內有猿猴瓔珞寶蓋石鐘石鼓把火儘可深八
向陽巖南村山之右宏敞如屋

老虎巖小青山之後陽朔官道傍

目巖一山壁立翠映官道

狗谷巖天馬峯之後巖口皆水土人乘筏秉炬而
入數里難窮其源內有大坪可容百餘人春暮常
發洪水多鯉魚大者數十觔土人常捕之
利市巖水流不息灌溉通津里糧田數百石民奉
水源太子以祀之

狗弄巖內有石山石盆里民祀水源太子

川流巖俗呼石牛洞洞深邃不可測其水冬夏常
流遊者從水中行把火探源難窮其境
尖山巖在龍窩之南壁立田間形如石塔巖有二
層上層寬亮四面皆可置窗讀書避暑猶爲清雅
松栢巖尖山之南巖有數層樓閣相似層層平廠
窻明石奧一曲一折極天工之巧第一層險阻難
上一須高梯可行巖底有洞深邃把火深入難窮
其止
避秦巖在松栢巖之傍有數洞極高前後皆通土
人避亂居之

社巖在小崙村之南怪異玲瓏不可名狀

火炙巖兵燹時土人避亂居內火失被燒因名內
多奇境路險難行

上龍巖在龍窩之南洞如龍去殼存頭角鱗甲如
刻下龍巖其形與上龍巖相似

天馬峯在小青山之傍後龍村之上石如馬傍
立一馬夫執轡遠望尤肖

鳳凰坪在螺螄寨之前一石卧地其形如鳳

龍頭石縣北三里土嶺半山突出一石狀如龍首

八景中曰龍口農耕舊志歲久能變化啖食牛畜人

或遇其害明嘉靖閒愈甚後爲雷擊去其唇患乃

息至今猶以仲首嶺際舊志省

墓拐石

粵俗呼田
百墓拐

在莫王廟前江中其洞幽潛羣

魚類聚冬煖時漁人裸體而入覩其淳宏儼然別

一洞天

雙魚石土嶺有二石如魚故名

卧山卽郡國志云荔浦有卧石其形似人而舉體

青黃隱然可以祈雨小舉小雨大舉大雨

名勝志

榕樹砮在綠水上

荔江在縣西南水色如荔故名荔浦水自修仁獠
界發源分二支一自踏石村出青山一自合江會

荔江出青山經縣前順流而東滙於灘入於昭潭

卽府江河也

舊志

荔浦有荔江

輿地廣紀

在縣南一里

元相

平樂府志

卷三 山川

十七

志

濡水在縣東南注瀨溪

出水經

東水出自永安州龍回里合荔入灘

丹竹延賓二水發源自上洞入荔江

綠水在縣西北兩岸林木陰森四時清碧因名曰

綠水發源永福理定界一支入大小江由南源大

界歷普陀江過鎔鄒關沙月江出思貢之下與荔

水合流入灘下府江

湖塘江口縣東六十里卽平樂縣分界處荔水過

此不二里許卽灘江昭潭也

山月江在鷄籠南源至沙月江合流而會荔水

義□潭縣三里土嶺濱江水窈一洞深不可測內多□魚有一最大者長約丈餘相傳神物漁者莫敢犯如遇大旱祈雨不應邑人斂藥百担投潭中他魚死者無數或令法力巫執穢物書瓦符乘桴往擊及時雷雨大作此舉定斃一二人非亢極不可輕犯

六闌冲乃荔永接壤之所其山開一孔卽聚水一窩滄桑時棲遲百數人家俱不勞遠汲

其西北南源江帶大江廖洞夾板茶香等處高山叢嶺類皆獐窟

蜈蚣峽在青山昔楊文廣征蠻立營於此內外各

五營規模森列猶存

秦家峽縣北三十五里峭壁峻嶒居民盤繞其下荔浦峽有上下二峽高山相崎水深激湍不減巫山三峽山重水複乃一縣下水之關鍵

修仁縣

文筆山在縣南奇峯插天中列三台爲邑文廟朝對之山

觀音大座山在縣治西三里高數百丈卽蘇山之來脉也

蘇山在縣西北隅高約千丈橫亘十餘里宋皇祐間知縣狄遵誨討寇立寨山下夜夢蘇武因禱焉

師捷請於朝建廟祀武因名之曰蘇山廟苟一名壁水自壁上滴下源源不竭每遇天旱禱雨有靈驗志舊廟前有大樹一株明宏治間知縣葉某將伐之轟然有聲猛虎隨至乃懼而止志名勝

崇仁山在縣南五里高數百丈志舊因古崇仁縣爲

名志一統雲令卽雨亦曰崇仁巖志方輿紀要

羅仁山在縣東三里又名獨山高數百丈四圍皆

懸崖峭壁惟南一穴可通山頂志舊稍南水繞其下

志一統山巔有桃樹多猿猴志舊省縣東一里石崖險

峻寇至土人以竹木架度可容四五百人志方輿紀要

大猺山在縣正南離縣十餘里黃崗山後卽猺界

皆叢山疊箐寬袤六七十里修水自此發源內有六喝六定三片六段等猺皆自耕自食不輸賦稅不見官長亦不輕出猺界種香草植松杉惟路徑險巖難行耳

天井嶺在縣南十五里爲縣發源之所上有井寬丈許深數丈志舊俗傳五代時羅隱至此志舊

象鼻巖在縣郭東南修水經其下瀦滙爲潭其上志一統有廻龍寺縣西一里下臨水際志方輿紀要縣東南半里

志一統

官巖在縣東以弄村巖在半山巖口高濶別一濶口內有石似人形水從石罅滴於石人頭上又一

小石生於崑後擊之如鐘內有石田界限劃然舊志

一名以弄崑懸崖壁立崑口高丈許可容數百人

相近有涼洞巖石山高聳崑在其下口高二丈許

內可容數十人崑盡處有深潭避寇者多居於此

一統志

大平巖在縣東五里有石洞深邃而險可以避兵
由此得名

修水自大猺六定六噶發源由黃峒村出又自永

安州之滴水等猺發源由古城長灘出馬蹄村與

黃峒水會歷古洞經縣東南出青山合荔水府江

向可通小艇因洪水衝泛砂石壅滯旋開旋塞遂

不通舟雍正五年知縣黃錦璋詳請疏通

橫墻江在縣西南十里自崇仁山脚出繞沉沙口

過舊縣經接龍橋順流與合江源水匯於荔江

昭平縣

五峯山在縣北五里為縣主山昔有太尉陳滿得

道今為境內土神五指山五峯並峙也方輿紀要 山頂

有塘臺榭花果人登臨無意中每見之若有意採

求不可得舊省志 以五峯狀如五指

按此為五峯山省志別有五指山在樊家屯

碁盤山在縣南三里舊志 相傳有仙人奕碁石上遺

□有□碁子三□省志 以山頂方平得名方輿紀要

紗帽山在縣南一百里有口石紀似古彌勒佛狀
獅子戲毬山在縣東五里上永村內

接米嶺縣南八十八里極險峻石峯巉崕鳥道如
線其尤險者曰馬頸曰石埭爲獠獍淵藪志一統嶺

後文化招賢諸里赴縣輸納不便紆途數倍雍正
三年知縣錢兆禮開鑿上下四十里已成坦途

羣仙聚會山在昭平里山巔有平石似棋枰時而

雲烟擁罩風雨溟濛若有仙人坐突故俗呼羣仙

聚會山

玉陂山在昭平里玉陂村形如頓笏高數十丈左

右山峯環臺上崖內有石類壽星石乳下垂扣之

聲如鼓如磬舊省志玉陂山高數十丈崖內有石乳

下垂有陂石如白玉故名志一統

雷公山在昭平里上有池水

鯉魚上水山在昭平江仔口

黃京山在縣南一百五十里從藤縣一帶回顧高

聳數十丈如頓笏然俗呼大塔山舊志上灘水經此

八江志一統

葫蘆山在二五都潘家寨南上有飛來銅佛六尊

都人歲祭之遇旱可祈雨舊志高五里甚險峻匍匐

而上其頂寬平約數畝突生一石傍有臺志一統

北辰二星山在北陀峽口高三百餘丈

羅令山在馬江里山上有寺

五將山在縣南六十里

靖尉山在縣南二里山秀聳唐開元中恭城尉葉

靖有道術嘗遊此因名方輿紀要舊經云唐開元中明

皇從法師葉靖乘雲幸此山有御座基又幸前進

士陳滿堂家未幾其家生金笏滿堂尋亦不知所

在名勝志

金田腦山方輿紀要在縣西八里其東為明源洞

明源水出焉一統志

木皮山在縣東二十里方輿紀要

銅鼓山在縣西二十里峯巒崖壑次第相望

平樂府志

卷三 山川

二十二

芩葉山在縣東四十里高峻

富玉山在縣西四十五里高廣數十丈圖經所云

東列天門西環富玉是也方輿紀要

虎頭山在沙塘村南形如虎先時虎口內有石牙

二村人鑿而去之水為之赤者三日前有土岡一

帶遞年崩頽人稱為牙脫月落云縣志

大山在黃姚街北內有覆地崑秉燭入遊通達數

里仙田玉柱之類與臨桂之七星崑約畧相似饒

有可觀縣志

巢山在寧化里北周圍壁立萬仞如城僅一門通

山島中宛如平地可住六七家縣志

馬鞍山在黃姚街北綿亘數里嶺南爲寧化里嶺
北則上五都鳳律洞三里赴縣者必經此乾隆十
六年修路縣志

金鷄山在寧化里龍脊橋右岸山有小崑水乳結
成雞形縣志

玉筍山在寧化里一排界內產小筍如指大色青
而嫩味甘而香比筋竹筍先生一月其山挺然高
峻爲寧文昭三里羣山所莫及登其巔者上可望
莫家下可見賀邑縣志

仙殿山其高數百仞將近至頂有一平陽名爲仙
殿左有泉水一井四季不竭大旱禱雨輒應

隔江山有聚仙崑遊人題咏頗多

松霧山其高數百仞望之若與天連常有霧雲罩
蔽卽同行離數武忽不相見有一樵夫登山採薪
被狂風吹起數丈順風而下身無傷損此山出土
人參里民在此燒造磁器縣志

五魁山卽大坡逕石山五座也相聯如屏列中有
巖洞高濶僅二尺許有風從此出暑天則寒涼徹
骨冬至則煖透肌膚此亦天地閒不可解之故往
來行人皆在此憇息焉縣志

貓兒山在昭平里形如貓兒崗中有磊石狀如碗
相傳湖南世家某卜葬於此至今清明前後咸來

祭墓

縣志

古袍山在縣南一百里

蓮花山在二五都曠野中起石山形如蓮花

天門山在馬江里通古連地舊志縣西四十里接賀

縣界上有石門插天方輿紀要

狀元山在昭賢里昔有狀元隱於此故名

五指山在寧化里樊家上屯中特出五峯崑空內

廣巖口填塞止畱一孔內有江水穿流昔曾征討

不諳其要害以此出師無功胡志五指山縣東北一

百八十里中深廣八僅一線可通一夫扼之則萬

夫莫過萬歷三年昭平賊黎福莊等作亂撫臣吳

平樂府志

卷三 山川

二十四

文華遣兵襲擒之搗五指山白冒諸崖賊黨悉降

方輿紀要衆山中五峯特出崖內空廣可容萬人萬歷

中建堡戍一統志

雙鳳凰嶺在昭平里仙會巖一如雌一如雄上有

青松奇木

佛子巖在昭平里崑口高濶中起一石儼如佛像

胡志佛子巖在縣東昭平里崖口高十丈濶如之內

可容十榻窈穿一穴容數十人積乳下垂巧逾雕

畫相近者爲仙崖僂身而入中有深潭沙洲一統志

羊角巖在二伍都雙峯插漢山半一崑崑有倒垂

蓮口三塚今稍頽矣舊志崖內分二道其右較寬可

零百入相近又有穿崑其崑穿山二面光明軒敞
可容百人志一統

獨山巖在縣北一百二十里周圍皆懸崖一穴深
三十步廣二十六步高千尋志舊其南一穴高千尋

可通山巖居民避寇緣梯而上方輿紀要

車記巖在昭賢里巖內有石橋石鐘

飛龍巖在二五都潘家之後龍主山

米斗石在縣東思懃江水中湧出巨石高丈餘石
頂有窩如斗每遇水漲窩內有沙則是年必豐歷
試頗驗

禾倉石在縣東思懃江走馬堡水中湧出一石四

平樂府志

卷三 山川

二十五

圍如倉每遇石上生有草花亦主豐稔

仙人石在縣北志舊昔有人在此石上升仙足跡尚

存志舊省

珊瑚嶺縣東二百六十里接廣東開建界方輿紀要

印岡山在思懃縣北四十五里志元和在縣東北志一統

志

犀牛崖在寧化里傳有犀牛時出食禾一婦汲水
偶見以竿逐之得其落毛歸與夫泗水不溺一日
至龍崖探珠龍化一人逐入其家陷爲湖今號爲

龍潭

龍平縣有富豪山志九域

白帽嶺在昭平里富昭交界處綿亘數十里高數千仞峯頂微有陰霧三日內必雨居民因之課雨占晴倘歲旱祈禱立應

縣志

冬瓜嶺寧文二里發脉祖山上埠珠連倚卧狀類冬瓜或大或小不可數計靡不畢肖昔傳有陰地在瓜蒂處故鄉謠云冬瓜九十頭莖着出公侯

縣志

雙龍嶺在昭平里一排楓木村山內旋繞蘊蓄寬濶廣大林樹菁葱極其秀麗

縣志

東坡巖在昭平里昭平交界處崑口泉水流出可通小筏行至里許忽然明亮別開洞天週圍數十丈潭深莫測所抵廣三十步洞中有一坪可屯千

平樂府志

卷三 山川

二十六

人背有異棍誘引奸民盜鑄於此事發則投具沉潭

縣志

月影石在昭平里玉坡山麓大如箕中有白石痕酷似粉書月字

縣志

新婦石在文洞東有石屹立如婦人故名

縣志

九牛石在寧化里龍脊橋下流河畔大小石九塊彷彿如睡牛兩岸俱民田故呼爲九牛田

縣志

老虎石在寧化里三排一石方圓約六七尺傍有孔如錢大吹之似虎噉聲牧童趕牛至此卽吹之牛聞畏懼直奔卽欄

縣志

銀石在招賢里山下土名銀崆頑石層列□□形

如□□□□□□萬□餘志縣

仙人碗在接米嶺頂之東中窩如碗水從石縫中

浸潤而滿此嶺為三里輪將孔道一人飲之不盡

萬人資之不竭雖亢旱仍然亦此嶺之奇觀志縣

龜石在龍塘寨石溪傍左右各一村人鑿去其一

存者形容宛肖志縣

仙迴洞縣西北七十里接永安州界明萬歷置堡

思懃江在縣東源出富川丹霞洞流經白稿江至

思懃廢縣與常崙濁水江合又西南入府江方輿紀要

歸化江在縣北仙迴八灘江

濁水江源自賀縣棋枰石分水界東流為沙田江

平樂府志

卷三 山川

二十七

西流為濁水江由龍崑而合大小磳入思懃江一

百二十里抵縣

富郡江在馬江里源出賀縣流經馬江廢縣亦名

馬江又西流入灘志一統

招賢河縣東南一百九十里通馬江志一統

明源江發源於雷庇山衍流十餘里合羅崙銅鼓

白泥冲諸水出馬灘會府江朝宗於海灌溉糧田

約二百餘萬畝附城稱巨浸焉更異者甕貯凡水

十觔注以白泥冲水則較重一觔有奇歷來使節

經臨常取是水進獻以其性清味厚可常貯而不

輕變也志縣

大礮小礮在縣東一百二十里二礮俱山石橫生
攔河濁水白稿流至此入招賢河通馬江
北陀山高嶺峻民苦往來水路通自峽口出至大
江口計里一百五十計灘六十五處萬歷三十七
年大守陳啟孫詳委撫彝同知包大智捐銀一百
三十餘兩辨料倩匠鑿通水道以濟舟行
馬灘離縣治里許秋冬水落僅可通舟湍流愈急
激而成聲其聲若遠聞縣治內卽有祝融之災歷
試有驗地方居民務思患豫防之
威鎮灘康熙五十四年布政司黃公渡國材開路設渡名曰黃公渡
龍門灘水深萬丈高山夾峙省志

犁尾灘

在攬水塘界以下蒼梧界

流箱磯

縣北十里

北陀江灘峽

上花灘

下花灘

猪巷灘

以上在桂花塘界

騰源灘

雷劈灘

銅鈴灘

以上在黃公塘界

銅盆峽

印龍門峽在峽山界

□ □

猫兒灘

酒醉灘

晒衣灘

三娘灘

一娘灘

頭灘
以塘上界在練

馬灘

馬峽

塘調灘
以塘上界在底

上拒灘

下拒灘

平樂府志

卷三 山川

石人灘
以塘上界在下登福

福登灘
以登上塘在界下福

河井灘

鰲洲灘
以塘上界在深冲

神灘
在界五將

金灘

猪鼻灘
以塘上界在古店

强灘

上仰灘
以塘上界在涼風

下仰灘
在界白沙塘

鬧灘

檢窖灘

石橋灘 以上在檢窖塘界

古鏡灘

上龍口灘

下龍口灘

假馬灘 以上在龍門塘界

馬江磯

礫木灘 以上在馬江塘界

動用灘

三門灘

木格灘 以上在沙江塘界

平樂府志

卷三 山川

三十

永安州

蒙山城東五十里 一統志作州西南五十里 唐蒙州

蒙山郡治所 名勝志 蒙州取州東蒙山為名 舊唐志書

下有蒙水其居人亦多姓蒙 方輿紀要 古蒙州壕址猶

存 金志

三昧山在州東五十里有平崗 胡志 三昧山州東五

十里一名平崗山同口河出此 一統志

三石山在州西南二十里有三大石故名 胡志 相傳

有異人黎明經其處見羣羊橫過其人舉箭射之

一發三羝竟没其羽繼而視之皆石也迄今箭痕

尚在 州冊

石印山在州口三十里鎮睂水中央宛然如印

石鼓山在州東北十二里

壬山去州北二十里在治之壬方故名壬山俗訛

銀山

天堂山在州西北五十里祖嶺冲在其側百里始

至絕頂故名胡志上有煉丹仙跡絕頂有桃數株實

大如柑食之如蜜若懷之下山即迷歸路州冊

嶺祖冲在天堂之側登之徧見一州高出羣山故

稱嶺祖舊志遇歲豐時和有鼓樂之音州冊

摩天嶺在州東十里舊志州東十五里許一統志朝暮

雲氣轟合若可摩天舊志相傳有童子牧牛其上

平樂府志

卷三 山川

三十一

枕石而睡其嶺忽合伸手摩天星辰可數尋被穿

毀後不復然州冊

天馬山在州南半里金志

石鼓山在州東北十二里頂有大石如鼓遇寇變

則自鳴一統志諺云石鼓鳴盜賊興州人每以為驗

方輿紀要

古睂山在州南三十里明成化三年韓雍討藤峽

賊令別將夏正越古睂雙髻諸山伏林岢扼其東

奔即此有古睂營在東麓一統志

力山在州西三十里崖谷尤深險舊為叛獠依阻

處方輿紀要藤峽府江之間有力山險於藤峽數倍其

地獐人善傅毒矢中人立斃明正德五年王守仁討藤峽賊賊走保永安力山後進兵搗平之一統志

茶山在州西四十里綿亘深遠林籌叢鬱方輿紀要迄

西皆獠人盤踞西江水源出此一統志

鳳山在州西三里有古竈鄉人樵採無心忽遇

若有心往視則不見夜閒時有火光閃爍如然燈

者州志在州西十里望如錦屏舊志在州東三十里舊通志

志

力山縣有東區山九域志

通天嶺在州北三十里險削差峩勢如插天方輿紀要

相傳昔立山縣人夜卧山巔至夜半嶺忽高及天

平樂府志

卷三 山川

三十二

頓覺以手摩之歸白縣令往驗果然因發民丁周

圍鑿窟數十穴實薪燒之如龍吟者數日乃絕遂

不復高其穴猶存名勝志

七星嶺在州治西南二里小山七座故名舊志西南

二里小峯連絡成七故名舊省志昔人有見天星七

座墜於此嶺及天明往視遂成小山七座故名

雙髻嶺在城北十二里兩峯如髻舊志夾聳道旁州冊

馬鬃嶺在城西北四十里界接修荔萑符之藪設

兵防禦

石叫口在州東南半里有嶺似鰲魚狀文奎樓鎮

於其上舊志石叫口州東半里土人於背腰作窰其

頂如□□□數□不止□建文奎樓以鎮之其聲

遂息

金舊
省志

老虎崑州北六十里在龍回里平塘寨石巖內有
石如虎身卧首昂

胡志

日久成精經其地常有被食

者後羅隱點化不復傷人

州冊

干城巖洞在州西北六十里杜莫寨旁萬竅玲瓏
可避兵故名

胡志

其內又闢洞天若堂奧然光明異

常

州冊

古心嶺州南十五里大路旁有鎗跡深八二尺餘
兩旁並不生草

官崑洞在杜莫寨山中高丈許有石室極光明風

平樂府志

卷三 山川

三十三

雨不能浸行李往往駐宿於此

仙人掌在州西三里廻龍村旁掌長尺許入石約
深一寸

米桶石又名印盒石在古眉峽離城三十里其石
內空如桶水湧沙滿其年大豐半則半豐虛其內
則年饑土人以此卜歲之豐歉

仙人跡在州南十里上下無路其中有仙跡五步
許光滑如有人行

豬頭石在峽內州北二十里形似豬首

胡志

時時傷

人後被雷擊開右半飛至南隘左半尙在不復爲

怪矣

州冊

伏洞在龍定里山有石鼓時聞響聲舊志山有石鼓
不見形跡時聞聲如雷州冊

仙女洞距杜莫寨三里

蒙江口在州南二百五十里水出蒙山至江口與
潯南水合流上經五屯下達藤縣蒼梧

銀江州東十二里遶銀山下注州城遙望水色如
銀源出平崙南會西江又南流入睂江一統志發源

於高天古帶喇崖仙廻等處南入睂江不通舟楫
睂江在州南二十里灣曲若娥睂永安之水滙此
由陳村至藤縣五屯所春夏水深秋冬架小舟出
蒙江口入大河多石灘

平樂府志

卷三 山川

三十四

古皂河在州西北三十里發源嶺柎一自馬鬃嶺
會石牛潭西流與崙口二水合經州城南下睂江

舊志卽西河一統志

崙口河在治東北五十里其源出三昧南崙遶城
而南至睂江不通舟楫胡志卽銀江州東北五里出

三昧山西流至州達激江一統志

水峽在州西北九十里山崖峻險發源於平坦伏
崙花川諸處南至睂江古皂嶺祖並馬鬃各水經
流其旁胡志人履其處無不悚然戰慄州冊

濁水川州西北二十里源自馬鬃嶺出三王站流
至□□村八里八石穴中暗流半里從小以喇村

出自春至冬其水皆濁名曰小黃河窈出白泥鄉人磨爲水粉繪畫用之

龍潭在州西北十里水遶叢嶺有瀑布數十丈注入潭內胡志舊有潛龍暮春時羣魚來朝至今猶然

冊州

石牛潭在州北七里潭廣十餘畝其深莫測昔有神牛潛於潭窈石下時湧波瀾人不敢渡歲久不

復然

冊州

古皂窰大高村後有石梯嶺嶺中有源泉胡志相傳有神仙跪飲其水石上有左膝跪印右足立印冊州